


文翰大成

四十六之七




五言排律 唐

漢書門類	三七四一	四三	一〇〇
函號	四三	一〇〇	
架冊	四三	一〇〇	

內閣文庫	三七四一	四三	一〇〇
漢書類	四三	一〇〇	
函號	四三	一〇〇	
架冊	四三	一〇〇	

內閣文庫	漢	3741
冊數	100	(28)
函號	362	68



大成卷第四十一 五言排律

漢草文庫

宗

一首楊炯

二首王子安二首沈佺期五首

盧象之八首駱賓王二首陳子昂三首張道藩三首

張易之一首張嘉貞一首袁暉一首徐安貞一首

李巨山一首宋延清七首徐知仁一首張子壽六首

祖詠一首王摩詰十首皇甫孝常一首皇甫茂政三首

杜必簡二首李尚貞二首錢仲文六首高逵夫三首

孫逖一首崔顥一首李頎一首王灣一首

參五首孟浩然七首盧綈卿二首王少伯一首

太白九首杜子美三首嚴季鷹一首



文翰類選大成卷第四十六五言排律目錄

文翰類選大成卷第四十六

詩類 五言排律

唐

早度蒲關 玄宗

鐘鼓嚴更曙山河野望通鳴鑾下蒲坂飛旆入秦中地峻關
逾壯天平鎮尚雄春來津樹合月落戍樓空馬色分朝景雞
聲逐曉風所希常道泰非復侯繻同

和劉侍郎入隆唐觀

楊炯

福地陰陽合仙都日月開山川凌四驗城樹隱三臺伏檻排
雲出飛軒繞澗迴參差凌倒景蕭洒軼浮埃百果珠為實群

左長史上海李伯璵編輯

伴 讀慈谿馮厚校正

峰錦作苔懸蘿暗凝霧瀑布響成雷方士燒丹液真人泛玉
盃還如問桃水更似得蓬萊漢帝求仙日相如作賦才自然
金石奏何必上天台

送劉校書從軍

天將下三宮星門召五戎坐謀資廟畧飛檄行文雄赤土流
星劍烏號明月弓秋陰生蜀道殺氣遶湟中風雨何年別琴
尊此日同離亭不可望溝水自西東

泥溪

王子安

弭棹凌奔壑低鞭躡峻岐江濤出岸險峯磴入雲危溜急船
文亂巖斜騎影移水烟籠翠潄山照落丹崖風生蘋浦葉露
泣竹潭枝泛水雖云羨勞歌誰復知

三月世水宴

彭澤官初去河陽賦始傳田園歸舊國詩酒間長筵列室窺
丹洞分樓瞰紫烟索迴亘津渡出沒控郊鄧鳳琴調上客龍
轡儼群仙松石偏宜古藤蘿不記年重簷交密樹複磴擁危
泉抗石睇南嶺乘沙眇北川傳巖來築處磻溪入釣前日斜
真興遠幽楚思涼蟬

同韋舍人早朝

沈佺期

閭闔連雲起巖廊拂霧開玉珂龍影度珠履鴈行來長樂宵
鐘盡明光曉奏催一經傳舊德五字擢英材儼若神仙去紛
從霄漢回千春奉休歷分禁喜趨陪

酬蘇員外味玄夏晚弔直省中見贈

並命登仙閣通宵直禮闈大官供宿膳侍史護朝衣卷幔天
河入開窓月露微小池殘暑退高樹早涼歸冠劍無時釋軒

卓待漏飛明朝題漢柱三署有光輝

奉和聖制幸禮部尚書寶曆寺

北闕垂旒暇南宮聽履回天臨祥鳳轉息向濯龍開蘭氣承
仙帳榴花引御杯水從金穴吐雲是玉衣來池影搖歌席林
香散舞臺不知行漏晚清蹕尚徘徊

塞北

胡馬犯邊埃風從丑上來五原烽火急六郡羽書催冰壯飛
狐冷霜濃候鴈哀將軍朝受鉞戰士夜銜枚紫塞金河裏葱
山鐵勒隈蓮花秋劔發桂葉繞旗開秘畧三軍動妖氛百戰
摧何言投筆去終作勒銘回

釣竿篇

朝日歛紅烟垂竿向綠川人疑天上坐魚似鏡中懸避機時
驚透猜釣每誤牽湍危不理轄潭靜欲留船釣玉君徒尚徵
金衣未賢為看芳餌下貪得會無全

三月曲水宴

盧杲之

風烟彭澤里山水仲長園由來棄銅墨本自重琴尊高情邈
不嗣雅道今復存有美光時彥養德坐山樊門開芳杜逕室
拒桃花源公子黃金勒仙人紫氣軒長懷去城市高詠伸蘭
蓀連沙飛白露孤嶼嘯玄猿日影岩前落雲花江上翻興闌
車馬散林塘夕鳥喧

早度分水嶺

千年遊蜀道萬里向長安徒費周王粟空彈漢吏冠馬蹄穿
欲盡貂裘故轉寒曾冰橫九折積石凌七盤重谿既下漱峻
峰亦上千隴頭聞戍鼓嶺外咽飛湍瑟瑟松風急蒼蒼山月

團傳語後來者斯路誠獨難

和夏日幽庄

聞有高蹤客耿介坐幽莊林壑人事少風烟鳥路長瀑水含
秋氣垂藤引夏涼苗深全覆隴荷上半侵塘釣渚青鳧沒村
田白鷺翔知君振奇藻還嗣海隅芳

山庄休沐

蘭署乘閒日蓬扉押道栖龍柯踈玉井鳳葉下金堤川光搖
水箭山氣上雲梯亭幽聞啾鶴窓曉聽鳴鷄玉軫臨風奏瓊
漿映月携田家自有樂誰肯謝青谿

還赴蜀中貽示京邑遊好

禦宿花初滿章臺柳向飛如何正此日還望昔多違悵別風
期阻將垂雲會稀歛社辭丹闕縣旗陟翠微野禽喧戍鼓春

草變征衣回顧長安道関山起夕霏

西使兼孟學士南游

地道巴陵北天山弱水東相看萬餘里共倚一征蓬零雨悲
身清尊別孔融襄旬聞夜鶴悵望待秋鴻骨肉胡秦外風
塵關塞中唯餘劍鋒在耿耿氣成虹

送鄭司倉入蜀

八丹水北游客錦城東別意還無已離憂自不窮隴雲朝
結陣江月夜臨空關塞疲征馬霜氛落早鴻潘年三十外蜀
道五千中送君秋水曲酌酒對秋風

同臨津紀明府孤鴈

三秋遠北鴈萬里向南翔河洲花稍白關塞葉初黃避繳風
霜勁懷書道路長水流疑箭動月照似弓傷橫天無有陣渡

海不成行會刷能羽還走上林鄉

邊城落日

駱賓王

紫塞流沙北黃圖霸水東一朝辭俎豆萬里逐沙蓬候月恒
持滿尋源屢鑿空野昏邊氣合峰迥戍烟通奮力風塵倦疆
場歲月窮河流空積石山路遠崆峒壯志凌蒼兕精誠貫白
虹君恩如可報龍劍有鳴雄

宿温城望軍營

虜地寒膠折邊城夜鐸聞兵符關帝闕天策動將軍寒靜胡
笳徹沙明楚練分風旂翻翼影霜劍轉龍文白羽搖如月青
山斷若雲烟踈疑卷被塵滅似消氛投筆懷班業臨戎想顧
勲還應雪漢耻持此報明君

靈隱寺

鷲嶺鬱岩嵒龍宮鎖寂寥樓觀滄海日門對浙江潮桂子月
中落天香雲外飄捫蘿登塔遠剝木取泉遙霜薄花更發氷
輕華互凋待入天台路看余渡石橋

晚泊蒲類

二庭歸望斷萬里客心愁山路猶南屬河源自北流晚風連
朔氣新月照邊秋竈火通軍壁烽烟上戍樓龍庭但苦戰燕
領會封侯莫作關山下空令漢國羞

早秋出塞寄東臺祥政學士

促駕逾三水長驅望五原天街分斗極地理接樓煩露月明
關隴胡雲聚塞垣山川殊物候風壤異涼温戍古秋塵冷沙
寒宿霧繁昔余迷學步投跡忝詞源

春晚從李長史游開道林故山

幽尋極幽壑春望陟春臺雲光棲斷樹靈影入仙杯古藤依
格上野徑約山隈落蓋翻風去流鶯滿樹來興闌苟御動歸
路起浮埃

冬日野望

故人無與晤安步陟山極野靜連雲卷川明斷霧消靈岩聞
曉籟洞府漲秋潮三江歸望斷千里故鄉遥勞歌徒自奏
魂為誰招

在軍中贈先還知己

蓬轉俱行役爪時獨未還魂迷金闕路望斷玉門關獻凱多
慚霍論風幾謝班風塵催白首歲月損紅顏落鴈低秋塞驚
鳧起暝灣胡霜如劔鏢漢月似刀環別後庭邊樹相思幾度
攀

遊法華寺十韻

高岫擬耆闍真乘引妙車空中結樓殿意表出雲霞後果傳
三足前因感六牙宴林薰寶樹水溜滴金沙寒谷梅猶淺溫
庭橘半華臺香紅藥亂塔影綠篁遮果漸輪王族綠超梵帝
家晨行蹋忍草夜誦得靈花江郡將何匹天都亦未加朝來
泛舟所應是逐仙槎

白帝懷古

陳子昂

日落滄江晚停橈問土風城臨巴子國臺沒漢王宮荒服仍
周甸深山尚禹功巖懸青壁斷地險碧流通古木生雲際歸
帆出霧中川塗去無限客思坐無窮

峴山懷古

秣馬臨荒甸登高覽舊都猶悲墮淚碣尚想卧龍圖城邑遥

分楚山川半入吳，立陵徒自出賢聖。已凋枯野樹蒼烟斷，津樓晚氣孤誰知。萬里客懷古正踟躕。

和陸明甫贈將軍重出塞

忽聞天上將關塞，重橫行始返樓蘭。國還向朔方城黃金裝，戰馬白羽集神兵。星月開天陣山川，列地營曉風吹盡角春色。耀飛旌寧知班定遠，猶是一書生。

將赴朔方軍應制

張道濟

禮樂逢明主，韜鈴用老臣。恭憑神武策，遠靜鬼方人。供帳榮恩餞，山川喜詔巡。天文日月送，朝賦管絃新。勿志傳三畧，衰材謝六鈞。膽猶忠作屏，心故道為隣。漢保河南地，胡清塞北塵。連年大軍後，不日小康辰。劍舞輕離別，酬歌忘苦辛。從來思博望，許國不謀身。

奉和早度蒲津關應制

蒲坂橫臨晉華芝，曉望秦關城雄地。險橋路托天津樓，映行宮日堤含苑樹。春黃雲隨寶鼎紫氣，逐真人東詠唐虞迹。西觀周漢塵山河，非國寶明主愛忠臣。

奉和聖製途經華嶽

西嶽鎮皇京，中峯入太清。玉鑿重嶺應，緹騎薄雲迎。白日懸高掌，寒空類削成。軒遊會神處，漢幸望仙情。舊廟青林古，新碑綠字生。群臣願封岱，迴駕勒鴻名。

出塞

張易之

俠客重恩光，駘馬飾金裝。暫聞傳羽檄，突救邊荒轉。戰磨笄地橫行，戴斗卿將軍。占太白小婦怨，流黃驪裘青絲騎。娉婷紅粉妝，一春鶯度曲。八月鴈成行，誰堪坐秋思。羅袖拂空

床

奉和聖製送張說赴朔方軍

張嘉貞

天錫我宗盟元戎傳夏卿多才兼將相必勇獨橫行經緯稱
人傑文章作代英山川看是障草木想為兵不待河水合猶
防塞月明有謀當繫醜無戰且綏氓閭外傳三畧雲中冀一
平感恩同義激悵別憂魂驚直視前旌掣遙聞後鳥鳴還期
方定日復此出郊迎

奉和聖製卷張說扈從南出雀鼠谷之作 袁暉

魏國山河險周王警蹕迴九旂雲際出萬騎谷中來石岸行
將盡烟郊望忽開賞矜垂柳拂春畏落花催興逸橫汾體恩
波作頌才小臣瞻日月延首詠康哉

奉和早度蒲津閔應制

徐安貞

仙掌臨秦甸虹橋瀾晉關兩鄉分地險一曲度河灣路
門要時稱古戍開城花春正發岸柳曙堪攀後乘攜臨水前
旌欲換山長安回望日宸御六龍還

和幸望春宮送朔方軍大摠管張亶 李巨山

玉帳徵才子金符命老臣三年張武旆萬乘餞行輪猛氣凌
玄朔崇恩降紫宸投膠還約士辭弟本忘身露下鷹初擊風
高鴈欲賓方銷塞北祲還靜漠南塵

奉和晦日幸昆明池應制

宋延清

春豫靈池會滄波帳殿開舟凌石鯨度槎拂斗牛迴節晦莫
全露春暹柳暗催象演看浴景燒劫辨沉灰鑄飲周文樂汾
歌漢武才不愁明月盡自有夜珠來

早發始興江口至虛氏村作

候曉踰閩嶂乘春望越臺宿雲鷗際落殘月蚌中開薜荔搖
青氣枕柳鬢碧苔桂香多露裏石響細泉迴抱葉玄猿咲啣
花翡翠來南中雖可悅北思日悠哉鬢髮成素丹心已作
灰何當首歸路行剪故園萊

奉和幸三會寺應制

六飛迴玉輦雙樹謁金仙瑞鳥呈書字神龍吐浴泉淨心遙
証果睿想獨超禪塔湧香花地山圍日月天梵音迎漏徹空
樂倚雲懸今日登仁壽長看法鏡圓

早發韶州

炎徼行應盡迴瞻鄉路遙珠厓天外郡銅柱海南標日夜晴
明少春冬霧雨旣身經大火熱顏入瘴江消觸影含沙怒逢
人女草搖露濃看苜濕風颯船飄直禦魑收魅寧論鵠與

鷗虞翻思報國許靖願歸朝綠樹秦京道青雲洛水橋故園
長在目魂去不須招

登越臺

江上越王臺升高望幾回南溟天外合北戶日邊開地濕烟
常起山晴雨半來冬花掃廬橘夏果摘楊梅跡類虞翻狂人
非賈誼才歸心不可度白髮重相催

宴安樂公主宅

芙蓉築外館愛主出王宮賓至星槎落仙來月宇空玳梁翻
賀燕金埒倚晴虹簫去秦臺裏書開魯壁中短歌能駐日豔
舞欲嬌風聞有淹留處山河滿桂叢

遊禹穴迴出若耶

禹穴今朝到耶溪此路通著書聞太史鍊藥有仙翁鶴往籠

猶掛龍飛劍已空石帆搖海上天鏡落湖中水底零露白山
邊墜葉紅歸舟何慮晚日暮使樵風

將赴朔方軍應制

徐知仁

聖德膺三統皇風被八埏大明均照物小醜未寧邊國相
銜重元戎廟畧宣紫泥方受命黃石乃推賢問罪陰山下
人屬國前度關行照月棄障坐消烟北闕行旅藻南橋列
組延耀威當夏日殺氣指秋天鞞鼓鼉振旌旗鳥獸懸由來
詞翰簡今見勒燕然

奉和早度蒲津關應制

張子壽

魏武中流處軒皇問道回長堤春樹發高掌曙雲開龍負三
丹度人占山氣來河津曾日月天仗役風雷東顧重關盡丙
午為司馬

奉和聖製尚二相南出雀鼠谷

設險諸侯地承明聖主巡東君朝二月南旆擁三辰寒出重
關盡年隨行漏新瑞雲叢捧日芳樹曲迎春舞詠先馳道恩
華及從臣汾川花鳥意併奉駕車塵

奉和聖製早登太行山率爾言志

孟月攝提貞乘時我后征晨嚴九折度暮戒六軍行日御馳
中道風師卷太清文鋌林表出組練靈間明動植希皇豫高
深奉睿情陪游七聖列望幸百神迎氣色烟猶喜恩光草尚
榮

稱萬歲今此復同聲

和許給事夜直

未央鐘漏晚仙宇藹沉武衛千廬合巖巖萬戶深樹搖金
掌露庭接玉樓陰左掖知天近南軒見月臨聲華大國寶夙

夜近臣心逸興乘高閣雄飛在禁林

南還湘水言懷

拙宦今何有勞歌念不成十年乖夙志一別悔前行歸去田園老僕來軒冕輕江間稻正熟林裏棗初榮魚意思在藻鹿心懷食苹時或有不達取樂遂吾情

郡內開齋

郡閣晝常掩庭蕪日復滋簷風落鳥羣牕葉掛虫絲拙病宦情少羈閑秋氣悲理人無異績為郡但經時惟有江湖意沉冥空在茲

清明宴司勳劉郎中別業

祖詠

田家復近臣行樂不違親霽日園林好清明烟火新以文常會友唯德自成隣池照窓陰晚盃香藥味春簷前花覆地竹

外鳥窺人何必桃源裏深石作隱淪

遊感化寺

王摩詰

翡翠香烟合瑠璃寶殿平龍宮連棟宇虎穴傍簷楹谷靜惟松響山深無鳥聲瓊峯當戶折金澗透林鳴郢路雲端迥秦川雨外晴鴈王街果獻鹿女踏花行抖擻辭貧里歸依宿化城繞籬生野蕨空館發山櫻香飯青菰米嘉蔬綠芋羹誓陪清梵末端坐學無生

奉和聖制幸玉霄公主山莊題石壁十韻應制

碧落風烟外瑤臺道路賒如何連帝苑別自有仙家比地迴鸞駕綠谿轉翠華洞中開日月窓裏發雲霞庭養冲天鶴谿流上漢查種田生白玉泥竈化丹砂谷靜泉逾響山深日易斜御羹和石髓香飯進胡麻大道今無外長生詎有涯還瞻

九霄上來往五雲車

私與太子三月三日遊龍池

故事脩春禊新宮展豫遊明君辭鳳輦太子出龍樓賦掩陳
王作杯如落水流金入來捧劍畫鷁去移舟苑樹浮宮闕天
池照冕旒宸章在雲漢垂象滿皇州

奉和聖製上巳於望春庭觀禊飲應製

長樂青門外宜春小苑東樓開萬戶上輦過百花中畫鷁移
仙妓金貂列上公清歌邀洛日妙舞向春風渭水明秦甸黃
山入漢宮君王來被袂灞漈亦朝宗

重陽侍宴應制

四海方無事三秋大有年百生逢此日萬壽願齊天芍藥和
金鼎茱萸插玳筵玉堂開右个天樂動宮懸御柳疎秋影城
鴉拂曙烟無窮菊花節長奉柏梁篇

送李太守赴上洛

商山包楚鄧積翠靄沉沉驛路飛泉洒関門落照深野花開
古戍行客響空林板屋春多雨山城晝欲陰丹泉通號畧白
羽抵荆岑若見西山爽應知黃綺心

曉行巴峽

際曉投巴峽餘春憶帝京晴江一女浣朝日衆鷄鳴水國舟
中市山橋樹抄行登高萬井出耽迥二流明人作殊方語鷺
為故國聲賴諳山水趣稍解別離情

送秘書晁監歸日本

積水不可極安知滄海東九州何處達萬里若乘空向國惟
看日歸途但信風鰲身映天黑魚眼射波紅鄉樹扶桑外主

人孤島中別離方異域音信若為通

和僕射晉公奄從湯泉

天子幸新豐旌旗渭水東寒山天仗裏温谷幔城中莫玉群
仙座薰香太乙宮出遊逢牧馬羅獵有非熊上宰無為化明
時太古同靈芝三秀紫陳粟萬箱紅玉醴遵儒教天兵小戰
功謀猷歸哲匠詞賦屬文宗司諫方無闕陳詩且未工長吟
吉甫頌朝夕仰清風

過沈居士山居哭沈居士

楊朱來此哭桑扈返於真獨自成千古依然舊四隣開簷喧
鳥雀故搦蒲埃塵曙月孤鶯轉空山五柳春野花愁對雨泉
水咽迎人善卷明時隱默婁在日貧逝川嗟尔命丘井嘆吾
身前後徒言隔相悲詎歲晨

送和蕃使

皇甫孝常

白簡初分命黃金已在腰恩華通外國徒御發中朝雨露從
邊起旌旗上隴遙暮天沙漠空磧馬蕭蕭塞路隨河水關
城外柳條和戎先罷戰知勝霍嫖姚

送王相公赴幽州

皇甫茂政

黃閣開帷幄丹墀拜冕旒位高湯左相權統漢諸侯不改周
南化仍分趙北憂双旌過易水千騎入幽州塞草連天暮邊
風動地秋無因陪遠道結束佩吳鉤

河南鄭少尹城南亭送鄭判官還河南

使臣懷餞席並尹有前溪客是仙舟裏塗從御苑西泉聲喧
暗竹草色引長堤故道青山在新田綠樹齊天秋聞別鶴關
曉候鳴鷄應嘆沉冥者年々津路迷

送歸中丞使新羅

詔使殊方遠朝儀舊典行浮天無盡處望日計前程暫喜孤
山出長愁積水縈野風飄疊鼓海雨濕危旌異俗知文教通
儒有令名還將大戴禮方外受諸生

贈蘇味道

杜必簡

北地寒應苦南庭戍不歸邊聲亂羌笛朔吹卷戎衣雨雪關
山暗風霜草木稀胡兵戰欲盡漢卒向重圍雲靜妖星落秋
高塞馬肥擣鞍雄劍動搖草羽書飛輿駕還京邑朋遊滿帝
畿方期來獻凱歌舞共春暉

私李大夫嗣真奉使存撫河東

六位乾坤動三微曆數遷謳歌稱火德圖讖在金天子月開
階統星房受命年禎符龍馬出寶籙鳳凰傳地即交風雨

仍卜澗瀍明堂惟御極清廟乃尊先不宰神功運無為大象
懸八荒平物士四海接人烟已屬群山泰猶言至道偏聖書
傍問俗旌節近推賢秩比司空位官臨御史負雄詞執刀筆
直諫罷樓船國有大臣器朝加小會筵將行備禮樂送別仰
神仙城關周京轉閩河陝服連稍觀汾水曲俄指絳臺前姑
射聊長望平陽遠宛然舜耕餘草木為繁藉山川昔出諸侯
上無由伯業全中軍歸戰敵外府絕兵權隱々仙鄉遠瞻々
肅命度西河偃風俗東壁掛星躔井邑紛榆社園陵松柏田
榮光朝掩代佳氣晚侵燕雨霈鴻私滌風行睿旨宣惇嫠訪
疾苦屠釣采貞堅入樂逢刑措時康洽賞延賜踰秦氏級恩
倍漢家錢擁傳咸翹首稱觴共比肩拜迎迷道路歌舞溢郊
鄆殺氣西衝白窮陰北暝玄飛霜遙度海殘月迥臨邊緬邈

文獻通考卷四十四
朝廷問周流朔塞旋興來探馬策俊發把龍泉學捲八千卷
文傾三百篇澄清得使者作頌有人焉夫以崇班閱而六勝
托捐倖材何磊落陋質幾翻瀾江漢寧為讓巴渝轉自牽一
聞歌聖道助曲和陶甄

奉和幸望春宮送朔方大總管張曾 李尚貞

邊郊草具腓河塞有兵機上宰調梅每元戎細柳威庖貔東
道出鷹隼七度飛玉匣謀中野金輿下太微投醪含酌饒緝
哀事征衣勿謂公孫老行聞獻凱歸

宿巖維宅送包七

江湖同遊地分手自依依盡室今為客經冬空念歸歲儲無
別墅寒服羨隣機州色村橋晚蟬聲江樹稀夜涼宜共醉時
難惜相違何事隨陽侶汀洲忽肯飛

奉和聖製朝元閣

錢仲文

六合紆玄覽重軒啓上清石林飛棟出霞頂泰階平拂曙
輿上晞陽瑞雪晴翠微回日馭丹巘駐天行御氣升雲漢垂
衣俯錦城山通玉苑迥河抱紫關明感物軋文動凝神道化
成周王 陟喬岳百辟讓英聲

奉和宣城張太守南亭秋夕懷友

池館蟪蛄鳴梧桐秋露晴月臨朱戟靜河近畫樓明卷幔浮
涼入聞鍾永夜清片雲懸曙斗數鴈過秋城羽扇揚風暇瑤
琴悵別情江山飛麗藻謝朓尚詩名

送王諫議任東都居守

車徒鳳掖東去 洛陽宮甍以青蒲隔還看紫禁同經過乘
雨露瀟洒出鵷鴻官署名墓下雲山舊苑中暮天雙闕靜秋

月九重空且喜成周地詩人播國風

省試湘靈鼓瑟

善鼓雲和瑟常聞太子靈馮夷空自舞楚客不堪聽苦調鏗
金石清音入杳冥蒼梧來怨慕白芷動芳馨流水傳湘浦悲
風過洞庭曲終人不見江上數峯青

題玉山村叟壁

谷口好泉石居人能陸沉牛羊上山小烟火隔雲深一迳入
溪色數家連竹陰藏虹辭晚雨驚隼落殘禽涉趣皆流日將
歸羨在林却思黃綺事辜負紫芝心

過山人所居因寄諸遺補

空谷春雲滿愚公晦跡深一隨玄豹隱幾換綠蘿陰絕逕人
稀到芳蔭我獨尋厨烟住小窗壁酒氣出重林胡蝶晴還舞黃

鸝曉整吟所思青瑣客瑤草寄幽心

送柴司戶之嶺外

高逵夫

嶺外資雄鎮朝中寵節旄月卿臨幕府星使出詞曹海對羊
城關山連象郡高風霜驅瘴癘忠信涉波濤別恨隨流水交
情托寶刀有才無不識行矣莫辭勞

陪竇侍御泛靈雲池

白露先時降清川思不窮江湖仍塞上舟楫在軍中舞換臨
津樹歌饒向曉風夕陽連積水邊色滿秋空乘興宜投轄激
懽莫避駮誰怜持弱羽猶欲伴鷓鴣

陪竇侍御靈雲南亭宴詩得雷字

人幽宜眺聽日極喜亭臺風景知秋在關山憶夢迴抵言殊
語默何意忝遊陪連唱波瀾動遐觀物象開新秋歸遠樹殘

雨應輕雷簷外長天盡尊前獨鳥來常吟塞下曲多謝幕中
才河漢徒相望喜期安在哉

和裴司馬澄心寺

孫逖

郡府乘休暇王城訪道初覺花迎步履香草藉行車荷閣觀
無際尋山盡太虛岩空迷禹迹海靜望秦餘翡翠巢蛛網鷓
雞間綺䟽地靈資淨土水若護真如寶樹隨攀折禪雲自卷
舒晴分五湖勢烟台九疑居生滅分無象窺臨已得魚嘗聞
寶刀贈今日奉璫琚

遼西

崔顥

燕郊芳歲晚殘雪凍邊城四月青草合遼陽春水生胡人正
牧馬漢將日徵兵露重寶刀濕沙虛金鼓鳴寒衣著已盡春
服誰為成寄語洛陽使為傳邊塞情

宿香山寺石樓

李頎

夜宿翠微半高樓聞暗泉漁舟帶遠火山磬發孤烟衣拂雲
松外門清河漢邊峯巒依枕席世界接人天諳之花出霧輝
輝星映川東林曙鷺滿惆悵欲言旋

哭亡友綦毋學士

王灣

明代資多士儒林得異才書從金殿出人向玉墀來詞學張
平子風儀褚彦回崇高希上德近侍接三台曩契心期早今
遊宴賞陪屢遷君擢桂分尉我從梅忽遇乘輅客云傾構厦
材泣為洎水化歎作泰山頽冀善初將尉尋言半始猜位聯
情易感交密痛難裁遠日寒旌暗長風古挽哀寮中無舊業
行處有新苔反哭菟遊寄終喪子尚孩葬田門吏給墳木路
人栽遽洩悲成往俄傳寵已回玄經貽石室朱紱耀泉臺地

古春長閉天明夜不開登山一臨哭揮淚滿蒿萊

送李賓客荆南迎親

岑參

迎親辭苑路恩照下儲闈昨見雙魚出今看駟馬歸驛帆湘
水濶客舍楚山稀手把黃金扇身披萊子衣鵲隨金印喜鳥
傍板輿飛勝作東征賦還家滿路輝

送嚴黃門拜御史大夫再鎮蜀川兼覲省

授鉞辭金殿承恩戀玉墀登壇漢主用講德蜀人思副相韓
安國黃門向子期刀州重入夢劍閣再題詞春色連青綬晴
花間赤旗山鶯朝送酒江月夜供詩許國分憂日榮親色養
時雲霓望已久來去不應遲

六月十三日水亭送華陰王少府還得潭字

亭晚人將別池涼酒未酣黃門勞夕夢仙掌引歸驂荷葉藏
魚艇藤花罥客簷殘雲收夏暑新雨帶秋嵐失路情無適離
懷思不堪賴茲庭戶裏別有小江潭

早秋與諸子登魏州西亭觀眺得低字

亭高出鳥外客到與雲齊樹點千家小天園萬里低殘虹掛
陝北急雨過關西酒盞綠青壁瓜田傍綠溪微官何足道愛
客且相携惟有香園處依々望不迷

送郭僕射節制劍南

鑣馬揮紅纓幡旗出禁城明王親授鉞丞相欲專征玉饌天
厨送金杯御酒傾劍門乘險過閣道踏空行山鳥驚吹笛江
猿見洗兵曉雲隨去陣夜月逐行營南仲今時往西戎計日
平將心感知已萬里寄懸旌

陪盧明府泛舟回

孟浩然

百里行春返清流逸興多鷁舟隨鴈沒江火共星羅已救田
家旱仍憂俗化訛文章推後輩風雅激頽波高岸迷陵谷新
聲滿棹歌猶憐不調者白首未登科

登慈持寺塔

半空躋寶塔晴望盡京華竹遶渭川遍山連上苑斜四門開
帝宅阡陌俯人家累劫從初地為童憶聚沙坐覺諸天近空
香送落花

陪張丞相登荊州城樓因寄張使君

薊門天北畔銅柱日南端出守聲彌遠投荒法未寬側身聊
寄望携手莫同歡白壁無瑕玷青松有歲寒府中丞相閣江
上使君灘興盡迴舟去方知行路難

世張丞相自松滋江東泊渚宮

汲浦下松滋登舟命楫師詎忘經濟日不憚沍寒時洗瀆豈
猶古濯纓良在茲政成人自理機息鳥無疑雲物吟孤嶼江
山四面維晚來風稍緊冬至日行遲獵響驚雲夢漁歌激楚
辭渚宮何處是川暝欲安之

荊門上張丞相

共理分荆國招賢貴楚材召南風更闡丞相閣還開觀止欣
肩睫沉淪拔草萊坐登徐孺榻頻接李膺盃始慰蟬鳴稻俄
看雪間梅四時牛籥盡千里客程催日下瞻歸翼沙邊厭曝
腮佇聞宣室召星象復中台

來闍黎新亭作

八解禪林秀三明給苑才地偏香界遠心淨水亭開傍險山
查立尋幽石迳回瑞花長自下靈藥豈須栽碧網交紅樹清

泉盡綠苔戲魚聞法聚閑鳥誦經來棄象玄應悟忘言理必
該靜中何所得吟詠也徒哉

泊宣城界

西塞松江島南陵問驛樓湖平津濟闊風止客帆收去懷
前浦茫々泛夕流石逢羅刹礙山泊敬亭幽火熾梅根沼烟
迷柳葉洲離家復水宿相伴賴沙鷗

贈張均負外

盧緯卿

公門世緒昌才子冠襄王出自平津邸還為吏部郎神仙餘
氣色列宿動輝光夜直南宮靜輕移北禁長時人窺水鏡明
主賜衣裳翰苑飛鸚鵡天池待鳳凰永欣傳日頤未紀後時
傷去去留南遠微才幸不忘

送祖詠

田家宜伏臘歲晏子言歸石路雪初下荒村鷄共飛東原多
燒火北澗隱寒輝滿酌野人酒倦聞隣女機胡為困樵採幾
日罷朝衣

夏日華萼樓酬宴應制

王少伯

土德三元正堯心萬國同汾陰備冬禮長樂應和風賜慶垂
天澤留懽舊渚宮樓臺生海上簫鼓出天中霧曉筵初接霄
長曲未終雨隨行幕合日照舞羅空玉陛分朝列文章發聖
聰愚臣忝書賦歌詠頌絲桐

送梁公昌從信安北征

李太白

入幕推英選捐書事遠戎高談百戰術鬱作萬夫雄起舞蓮
花劍行歌明月宮將飛天地陣兵出塞垣通祖席留丹景征
麾拂彩虹旋應獻凱入麟閣佇深功

宣州九日聞崔四侍御與宇文太守遊敬亭余時登
響山不同此賞醉後寄崔侍御

九卿天上落五馬道傍來列戟朱門曉褰帷碧帳開登高望
遠海召客得英才紫綬歡情洽黃花逸興催山從圖上見溪
即鏡中迴遙羨重陽作應過戲馬臺

送友人尋越中山水

聞道稽山去偏宜謝客才千巖泉灑落萬壑樹縈迴東海橫
秦望西陵遠越臺湖清雙鏡曉濤白雪山來八月放乘筆三
吳張翰杯此中多逸興早晚向天台

中丞宋公以吳兵三千赴河南軍次潯陽脫余之囚
叅謀幙府因贈之

獨坐清天下專征出海隅九江皆渡虎三郡盡還珠組練明

浦樓船入郢都風高初選將月滿欲平胡殺氣橫千里軍
勁九區白猿慙劍術黃石借兵符戎虜行當剪鯨鯢立可
曰憐非劇孟何以佐長圖

秋日與張少府楚城肅公藏書高齋作

日下空亭暮城荒古跡餘地形連海盡天影落江虛舊賞久
雖隔新知樂未踈彩雲思作賦丹壁間藏書檜擁隨流葉萍
開出水魚夕來秋興滿回首意何如

送二季之江東

初發強中作題詩與惠連多慙一日長不及二龍賢西塞當
中路南風欲進舡雲峯出遠海帆影掛清川禹穴藏書地在
山種杏田此行俱有適遲爾早歸旋

春日歸山寄孟浩然

朱紱遺塵境青山謁梵筵金繩開覺路寶筏度迷川嶺樹攢
飛棋岳花覆谷泉塔形標海月樓勢出江烟香氣三天下鐘
聲萬壑連荷秋珠已滴松密蓋初圓鳥聚疑聞法龍參若護
禪愧非流水韻叨入伯牙絃

登瓦官閣

晨登瓦官閣極眺金陵城鍾山對北戶淮水入南營漫之雨
花落嘈之天樂鳴兩廊振法鼓四角吟風箏香出霄漢上仰
攀日月行山空霸氣滅地古寒陰生寥廓雲海曉蒼莽宮觀
平門餘閭闔字樓識鳳凰名雷作百山動神扶萬拱傾靈光
何足貴長此鎮吳京

秋日登揚州西靈塔

寶塔凌蒼蒼登攀覽四荒頂尚元氣合標出海雲長萬象分

浦樓船入郢都風高初選將月滿欲平胡殺氣橫千里軍
勁九區白猿慙劍術黃石借兵符戎虜行當剪鯨鯢立可

曰憐非劇孟何以佐長圖

秋日與張少府楚城肅公藏書高齋作

日下空亭暮城荒古跡餘地形連海盡天影落江虛舊賞之
雖隔新知樂未踈彩雲思作賦丹壁間藏書棹擁隨流葉萍
開出水魚夕來秋興滿回首意何如

送二季之江東

初發強中作題詩與惠連多慙一日長不及二龍賢西塞當
中路南風欲進舡雲峯出遠海帆影掛清川禹穴藏書地在
山種杏田此行俱有適遲爾早歸旋

春日歸山寄孟浩然

朱紱遺塵境青山謁梵筵金繩開覺路寶筏度迷川嶺樹攢
飛拱岳花覆谷泉塔形標海月樓勢出江烟香氣三天下鐘
聲萬壑連荷秋珠已滴松密蓋初圓鳥聚疑聞法龍參若護
禪愧非流水韻叨入伯牙絃

登瓦官閣

晨登瓦官閣極眺金陵城鍾山對北戶淮水入南營漫雨
花落嘈天樂鳴兩廊振法鼓四角吟風箏杳出霄漢上仰
攀日月行山空霸氣滅地古寒陰生寥廓雲海曉蒼莽宮觀
平門餘閭闔字樓識鳳凰名雷作百山動神扶萬拱傾靈光
何足貴長此鎮吳京

秋日登揚州西靈塔

寶塔凌蒼蒼登攀覽四荒頂尚元氣合標出海雲長萬象分
空界三天接畫梁水搖金刹影日動火珠光鳥拂瓊簾度霞
連綉拱張目隨征路斷心逐去帆揚露洗梧楸白霜催橘柚
黃玉毫如可見於此照迷方

秋夜獨坐懷故山

小隱慕安石遠遊學屈平天書訪江海雲卧起咸京入侍瑤
池宴出陪玉輦行誇胡新賦作諫獵短書成但奉紫霄顧非
邀青史名莊周空說劍墨翟耻論兵拙薄遂踈絕歸閑事偶
耕顧無蒼生望空愛紫芝榮寥落暝霞色微茫舊壑情秋山
綠蘿月今夕為誰明

謁先主廟

杜子美

慘澹風雲會乘時各有人力侔分社稷志屈偃經綸復嘆留
長策中原伏老臣雜耕心未已歐血事酸辛霸氣西南歇雄

圖曆數屯錦江元過楚劍閣復通秦舊俗存祠廟空山泣鬼神
虛簷交鳥道枯木半龍鱗竹送清溪月苔移玉座春閭闔
兒女換歌舞歲時新絕域歸舟遠荒城繫馬頻如何對搖落
况乃久風塵孰與關張並功臨耿鄧親應天才不小得士契
無隣遲暮堪帷幄飄零且釣緡向來憂國淚寂寞酒衣巾

重經昭陵

草昧英雄起謳歌曆數歸風塵三尺劍社稷一戎衣翼亮貞
文德丕承戢武威聖圖天廣大宗祀日光輝陵寢盤空曲熊
羆守翠微再窺松柏路還見五雲飛

上韋左丞相二十韻

鳳曆軒轅紀龍飛四十春八荒開壽域一氣轉洪鈞霖雨思
賢佐丹青憶老臣應圖求駿馬驚代得麒麟沙汰江河濁調
和鼎鼎新常賢初相漢范叔已歸秦盛業今如此傳經固絕
倫豫樟深出地滄海闊無津北斗司喉舌東方領縉紳持衡
留藻鑑聽履上星辰獨步才超古餘波德照隣聰明過管輅
尺牘倒陳遵豈是池中物由來席上珍廟堂知至理風俗盡
還淳才傑俱登用愚蒙但隱淪長卿多病久子夏索居貧回
首驅流俗生涯似衆人巫咸不可問鄒魯莫容身感激時將
晚滄茫興有神為公歌此曲涕淚在衣巾

投贈哥舒開府翰二十韻

今代麒麟閣何人第一功君王自神武駕馭必英雄開府當
朝傑論兵邁古風先鋒百勝在略地兩隅空青海無傳箭天
山早挂弓廉頗仍走敵魏絳已和戎每惜河湟棄新廉節制
通智謀垂睿想出入冠諸公日月低秦樹乾坤繞漢宮胡人

愁逐北宛馬又從東受命邊沙遠歸來御席同軒墀曾寵鶴
畋獵舊非熊茅土加名數山河誓始終策行遺戰伐契合動
昭融勲業青冥上交親氣槩中未為珠履客已見白頭翁壯
節初題柱生涯獨轉蓬幾年春草歇今日暮途窮軍事留孫
楚行間識呂蒙防身一長劍將欲倚崆峒

行次昭陵

舊俗疲庸主群雄問獨夫識歸龍鳳質威定虎狼都天屬尊
堯典神功協禹謨風雲隨絕足日月繼高衢文物多師古朝
廷半老儒直詞寧戮辱賢路不崎嶇往者災猶降蒼生喘未
蘇指揮安率土盪滌撫洪鑪壯士悲陵邑幽人拜鼎湖玉衣
晨自舉鐵馬汗常趨松栢瞻虛殿塵沙立暝途寂寥開國日
流恨滿山隅

移居公安敬贈衛大郎鈞

衛侯不易得余病汝知之雅量涵高遠清襟照等夷平生感
意氣少小愛文辭河海由來合風雲若有期形容勞宇宙質
朴謝軒墀自古幽人泣流年壯士悲人烟通徑草秋露接園
葵入邑豺狼鬪傷弓鳥雀飢白頭供宴語烏几伴棲遲交態
漕輕薄今朝豁所思

同豆盧峯貽主客李員外郎賢子棊知字韻

鍊金歐冶子噴玉大宛兒符彩高無敵聰明達所為夢闌他
日應折桂早年知爛熳通經術光芒刷羽儀謝庭瞻不遠潘
省會於斯唱和將離曲田翁號鹿皮

送蔡希魯都尉還隴右寄高三十五書記

蔡子身成癘鬻弓西射胡健兒寧聞死壯士恥為儒官是先

鋒得材緣挑戰須身輕一鳥過搶急萬人呼雲幕隨開府春
城赴上都馬頭金匝匝駝背錦模糊咫尺雪山路歸飛西海
隅上公猶寵錫突將且前驅漢使黃河遠涼州白麥枯因君
問消息好在阮元瑜

遣興

驥子好男兒前年學語時聞知人客姓誦得老夫詩世亂憐
渠小家貧仰母慈鹿門携不遂鴈足繫難期天地軍麾滿山
河戰角悲倘歸免相失見日敢辭遲

元日示宗武

汝啼吾手戰吾咲汝身長處逢正月迢遞滯遠方飄零深
栢酒衰病只藜床訓諭青衿子名慙白首郎賦詩猶落筆
壽更稱觴不見江東弟高歌淚數行

又示宗武

覓句新知律攤書解蒲床試吟青玉案莫帶紫羅裳假日從
時飲明年共我長應須飽經術已似愛文章十五男兒志三
千弟子行曾參與游夏達者得升堂

太歲日

楚岸行將老巫山坐復春病多猶是客謀拙竟何人闔闔開
黃道衣冠拜紫宸榮光懸日月賜予出金銀愁寂鴛行斷參
差虎穴隣西江元下蜀北斗故臨秦散地逾高枕生涯脫要
津天邊梅柳樹相見幾廻新

臨邑舍弟書呈苦雨黃河泛溢隄防之患簿領所憂
因寄此詩用寬其意

二儀積風雨百谷漏波濤聞道洪河圻遙連滄海高職司憂

悄、郡國訴傲、舍弟卑棲邑防川領簿曹天書前日至版
築不時操難假龜龜力空瞻烏鵲毛燕南吹畎畝濟上沒蓬
蒿螺蚌滿近郭蛟螭乘九臯徐閑深水府碣石小秋毫白屋
留孤樹青天失萬艘吾衰同泛梗利涉想蟠桃倚賴天涯釣
猶能掣巨鰲

喜聞官軍已臨賊境二十韻

胡虜潛京縣官軍擁賊壕非魚猶假息穴蟻欲何逃帳殿羅
玄冕轅門照白袍秦山當警蹕漢苑入旌旄路失羊腸險雲
橫雉尾高五原空壁壘八水散風濤今日看天意遊魂貸爾
曹乞降那更得尚詐莫徒勞元帥歸龍種司空握豹韜前軍
蘇武節左將呂虔刀兵氣出飛鳥威聲沒巨鰲戈鋌開雪色
已矢向秋毫天步艱方盡時和運更遭誰云遺毒鰲已是天

冬日洛城北謁玄元皇帝廟

腥臊瘴想丹墀近神行羽衛牢花門騰絕漠拓羯渡臨洮此
輩感恩至羸俘何足操鋒光衣染血騎突劔吹毛喜覺都城
動悲連子女號家、賣釵釧只待獻香醪

寄彭州高三十五使君適虢州岑二十七長史參三

何卿

十韻

故人何寂寞今我獨淒涼老去才難盡秋來興甚長物情猶
可見詞客未能忘海內知名士雲端各異方高岑殊緩步沈鮑
得同行意愜閑飛動篇章接混茫舉天悲富駱近代惜盧王
以爾官仍貴前賢命可傷諸侯非棄擲半刺已翱翔詩好幾
時見書成無使將男兒行處是客子闔身強羈旅推賢聖沉
綿抵咎殃三年猶瘡疾一鬼不銷亡隔日搜脂髓增寒抱雪
霜徒然潛隙地有醜屢鮮粧何大龍鍾極如今出處妨無錢
居帝里畫室在邊疆劉表雖遺恨龐公至死藏心微傍魚鳥
內瘦怯豺狼隴草瀟、白洮雲片、黃彭門劔閣外號略鼎
湖傍荆王簪頭吟已殘染翰光烏麻蒸熟曬丹橘霞應豈豈
異神仙宅俱兼山水鄉竹齋燒藥竈花嶼讀書床更得清新

不遙知對屬忙舊官寧改漢淳俗本歸唐濟世宜公等安翁
亦士常蚩尤終戮辱胡羯漫猖狂會待袂氛靜論文暫裏糧

奉和嚴中丞西城晚眺十韻

汲黯匡君切廉頗出將顛直辭才不世雄畧動如神政簡移
風速詩清立意新層城臨媚景絕域望如春旗尾蛟龍會樓
頭燕雀馴地平江動蜀天闊樹浮秦帝念深分闔軍須遠筭
緡花羅封蛺蝶瑞錦送麒麟辭第輪高義觀圖憶古人征南
多興緒事業間相親

哭李尚書

漳濱與高里逝水竟同年欲挂留徐劔猶迴憶戴船相知成
白首此別間黃泉風雨嗟何及江湖涕泫然修文將管輅奉
使失張騫史閣行人在詩家秀句傳客亭鞍馬絕旅襯網蟲

懸復魄昭立遠歸魂素淫偏樵蘇封葬地喉舌罷朝天秋色
凋春草主孫若箇邊

寄李白

昔年有狂客號爾謫仙人筆落驚風雨詩成泣鬼神聲名
此大汨沒一朝伸文彩承殊渥流傳必絕倫龍舟移旣
錦奪袍新白日來深殿青雲滿後塵乞歸優詔許遇我
親未負幽棲志兼全寵辱身劇談憐野逸嗜酒見天真
醉舞梁園夜行歌泗水春才高心不展道屈善無鄰
慶士彌衡後諸生原憲貧稻粱求未足意欲謗何頻
五嶺炎蒸地三危放逐臣幾年遭鵬鳥獨泣向麒麟
蘇武先還漢黃公豈事秦楚筵辭醴日梁獄上書
辰巳用當時法誰將此義陳老吟秋月
下病起暮江濱吳性恩或隔來槎與問津

奉送郭中丞兼太僕卿充隴右節度使三十韻

詔發西山將秋屯隴右兵濤涼餘部曲燁赫舊家聲
鷓鴣乘時去驂驪顧主鳴艱難須上策容易即前程
斜日當軒蓋高風捲旆旌松悲天水冷沙白雪山清
和虜猶懷惠防邊詎敢驚古來於異域鎮靜示專征
一燕薊奔封承周秦觸駭鯨中原何慘黷餘孽尚縱橫
箭入昭陽殿笳吟細柳營內人紅袖泣王子白衣行
宸極妖星動函山陵殺氣平空餘金襴出無復總
惟輕毀廟天飛雨焚宮火燄明果惡朝共落榆楸夜
同傾三月師逾整群胡勢就烹羶灰親接戰勇決冠
垂成妙譽期元宰殊恩且列卿幾時回節旆戮力掃
攬擒圭竇三千士雲梯七十城耻非齊說客其似
曾諸生通籍微班忝周行獨坐榮隨肩趨漏刻短髮
寄簪纓往往欲依劉表還疑厭襜衡漸衰那

此別忍淚獨含情
廢邑狐狸語空村
虎豹爭人頰
墜塗炭公
豈忘精誠元帥調新律
前軍壓舊京
安邊仍扈從
莫作後功名

寄劉峽州伯華使君四十韻

峽內多雲雨
秋來尚鬱蒸
遠山朝白帝
深水謁夷陵
遲暮嗟
為客西南喜
得朋哀損更
起坐落鳥失
飛騰伏枕思
瓊樹臨
軒對玉繩
青松寒不落
琅玕海闊逾
澄昔歲文為理
群公價盡
增家聲
同公聞時論
以鍾鼎稱
太后當朝肅
多才接迹昇
翠虛
捎颺丹極上
鯢鵬宴
引春壺
酒恩分夏
簞冰雕章五色筆
紫殿九華燈
學並盧王
歎書偕
褚薛能老兄
真不墜
小子獨
無承近有風流作
聊移口
川繼徵
放蹄知赤驥
扶翅服蒼鷹
卷軸來何晚
襟懷庶可憑
曾期吟詠數
茲破旅愁凝
雕刻初誰
料纖毫欲自矜
神融躡飛翮
戰勝洗侵凌
妙取空蹄棄
高宜
百萬層白頭
遺恨在青竹
絲人登回首
追談笑
勞歌踟躕
寢興
年華分已矣
世故莽相仍
刺史諸侯貴
郎官列宿應
潘生駢
閣遠黃霸壘
書增乳贗號
樊石饑
鼯訴落藤藥
囊親道士灰
劫問胡僧憑
久烏皮
絃簪稀
白帽
稜林居看蟻
穴野食待魚
魯筋力交凋
喪飄零免戰兢
皆為百里宰
正似六安丞
媿女
榮新裹丹砂
冷舊秤但求椿
壽求莫慮祀
天崩鍊骨調
情性
張兵撓棘矜
養生終自惜
伐叛必全憑
政術甘踈誕
詞場愧
服膺展懷詩
誦魯割愛酒如澠
咄寧書字冥
欲避矰江
湖多白鳥
天地有青蠅

過南嶽入洞庭湖

洪波忽爭道
岸轉異江湖
鄂渚分雲樹
衡山引舳艫
翠芽穿

暮將碧節正寒滿病渴身何去春生力更無壞童犁雨雪漁
屋架泥塗敬側風帆滿微冥水驛孤悠々迴赤壁浩々畧蒼
梧帝子留遺恨曹公屈壯圖聖朝光御極殘孽駐艱虞才淑
隨斯養名賢隱鍛鑪邵平元入漢張翰後歸吳莫恠啼痕數
危檣逐夜烏

酌別杜二

嚴季膺

獨逢堯典日再觀漢官時未以風霜勁空慙雨露私夜鐘清
萬戶曙漏拂千旗並向殊庭宿俱承別館追斗城憐舊路涸
水惜歸期峰樹還相伴江雲更對垂試回滄海棹莫妬敬亭
詩祇是書應寄無忘酒共持但令心事在未肯鬢毛衰最悵
巴山裏清猿惱夢思

文翰類選大成卷第四十七五言排律目錄

唐

- 韋應物一首 顧逋翁一首 戎昱一首 王仲初一首
- 令狐慙士一首 李端一首 鄭畋一首 武伯蒼二首
- 魏知古一首 包佶一首 柳子厚一首 許用晦六首
- 楊景山計三 權載之一首 常衮一首 盧肇一首
- 陳希烈一首 韓琮一首 韓退之十首 賈浪仙一首
- 司空文明二 孟東野一首 張文昌一首 劉夢得二首
- 元微之一首 白樂天計三 薛大拙一首 李義山三首
- 張承吉一首 溫飛卿一首 李重規一首 蘇味道二首
- 盧允言二 劉文房計二 曹鄴之一首 李楚望一首
- 姚鵠一首 揚師道一首 鮑文姬一首

文翰類選大成卷第四十七五言排律目錄

文翰類選大成卷第四十七五言排律目錄

唐

- 韋應物一首 顧逋翁一首 戎昱一首 王仲初一首
- 令狐慤士一首 李端一首 鄭畋一首 武伯蒼二首
- 魏知古一首 包佶一首 柳子厚一首 許用晦六首
- 楊景山計三權載之一首 常衮一首 盧肇一首
- 陳希烈一首 韓琮一首 韓退之十首 賈浪仙二首
- 司空文明二首 孟東野一首 張文昌一首 劉夢得二首
- 元微之一首 白樂天計三 薛大拙一首 李義山三首
- 張承吉一首 溫飛卿一首 李重規一首 蘇味道二首
- 盧允言二首 劉文房計二 曹鄴之一首 李楚望一首
- 姚鵠一首 楊師道一首 鮑文姬一首

文翰類選大成卷第四十七五言排律目錄

云霧之一言白樂天詩三謝大謝一首李商隱詩一首
同安之四言謝靈運一首謝靈運一首謝靈運一首
物象清一首韓愈一首韓愈一首韓愈一首
謝靈運一首謝靈運一首謝靈運一首
謝靈運一首謝靈運一首謝靈運一首
謝靈運一首謝靈運一首謝靈運一首
謝靈運一首謝靈運一首謝靈運一首
謝靈運一首謝靈運一首謝靈運一首
謝靈運一首謝靈運一首謝靈運一首

雲斷燒羌白草空金鏡肅天外玉帳盡
源舊路通衛青師自老魏絳賞何功槍
雄燕然如可勒萬里願從公

杜中丞書院新移小竹

王仲初

此地本無竹遠從山寺移經年求養法
新葉殘黃依故枝色經寒不動聲與靜
稠當自知貧家緣未有客散獨行遲

南宮夜直見李給事因以詩寄

令狐慙士

峯直同遙夜嚴局限幾重青編書白雀
綸貴東垣翰墨蹤尚垂玄露點猶識紫
心裏禁鐘定應勞夢寐暫似接音容玉
濃在朝君取舊休沐許過後

塞上

李端

二十在邊城軍中得勇名卷旗收敗馬
斷磧擁殘兵覆陣烏
鳥起燒山野火明塞閑思遠獵師老厭
分營雪嶺無人跡水
河足鴈聲李陵甘沒此惆悵漢公卿

謁昇仙太子廟

鄭畋

在昔靈王子吹笙溯沉寥六宮攀萁往
三島互相招亡國原
陵古賓天歲月遥無蹊窺海曲有廟訪
山椒石帳龍蛇拱雲
樓綵翠銷靈壇瑤琬琰真篆寫松喬珠
管青童宴琳宮阿母
朝氣輿仙女侍天馬吏兵調相妓紅絲
色秦郎白管簫西城
邀綽約南浦命妖嬌句曲觴深洞天宮
繡石橋晚天珠弄蕊
春如玉生苗鶴馭爭銜箭龍奴各獻綃
衣從星渚浣丹就日
宮燒物外花常滿人間葉自凋幾曾期
七日無復降重霄嵩

文翰類選大成卷之四十一

左長史上海李伯璵編輯

伴讀慈谿馮厚校正

詩類五言排律

唐

送崔押衙赴相州

韋應物

禮樂儒家子英豪燕趙風鳴琴當理邑
走馬却從戎白刃千
夫關黃金四海同嫖姚恩願下諸將
指揮中別路伶芳草歸
心伴塞鴻鄴城新騎滿魏帝舊臺空
望闕應懷戀遭時貴立
功萬方如已靜何處欲輸忠

送從兄奉使新羅

顧逋翁

六氣銅渾轉三光玉律調河宮清奉
賚海岳晏來朝地接提

封入天平賜貢饒揚威輕破虜采服耻征遼曙色黃金闕寒
聲白鷺潮樓舡方習戰駉馬是嘉招帝女飛銜石鮫人賣淚
綃莞寧雖不偶徐樺尚相邀獨島懸空翠孤霞上沈寥蟾蜍
同漢月蟬螻異秦橋水豹橫吹浪花鷹迥拂霄晨裝凌渺漭
夜泊記招搖幾路通負嶠何山是沃焦颶風晴自起陰火暝
潛燒鬢髮成新髻人參長舊苗扶桑迎日近折柳帶津遙夢
向愁中積魂因別處銷臨川思結網見彈欲求鷓共散羲和
曆誰嗟甲子朝滄波仗忠信譯語辨謳講疊鼓鯨聲隱陰舫
鷓首飄南溟垂大翼西海飲文瓢指景尋靈草排雲聽洞簫
封侯萬里外未肯候班超

涇州觀元戎出師

戎昱

寒日征西將蕭蕭萬馬叢吹笳覆樓雪祝壽纒滿旗風庶虜黃

嶺緬天漢伊瀾入海潮何由得真訣使我佩環飄

途次近蜀驛蒙君恩賜寶刀及飛龍厖馬使還寄李

鄭二中書

武伯蒼

草事行役遲入故關碧幢遙隱霧紅旆漸依山感激酬

恩淚風霜去國顏捧刀金刻字賜馬玉連環威鳳翔雙闕征

夫護百蠻應憐宣室召温樹不同攀

漸至涪州先寄王使君

治教通夷俗均輸問火田江分巴字水樹入夜即烟毒霧合

秋氣陰厓蔽曙天路難空計日身老不由年將命寧知遠歸

心詎可傳星即復何事出守五溪邊

奉和春日途中喜雨

魏知古

皇遊向洛城時雨應天行麗日登岩送陰雲出野迎濯枝林

杏發潤葉渚蒲生絲入綸言喜花依錦字明微臣忝東觀載
筆佇西成

嶺下卧疾寄劉長卿負外

包佶

唯有貧兼病能令親愛踈歲時供放逐身世付空虛脛弱秋
添絮頭風曉廢梳波瀾喧衆口藜藿靜吾廬喪馬思開卦占
鴉懶發書十年江海客離恨予知予

韶州裴長史寄道州呂八大使二十韻見及囚拾其

餘韻酬焉凡韶州所用者置不取其聲律言數如之

柳子厚

金馬嘗齊入銅魚亦共頒疑山看積翠滇水想澄灣標榜同
驚俗清明兩照姦乘輶參孔僅按節服侯獬賈傳辭寧切虞
童髮未髮秉心方的騰口任顏聖理高懸象爰書降罰鏹

德風流海外和氣滿人寰禦魅恩猶貸思賢淚自潸在亡均
寂寞零落間博鰥夙志隨憂盡殘肌觸瘴瘴月光搖淺瀨風
韻碎枯管海俗衣猶卉山夷髻不鬢泥沙潛虺蜮榛莽闕
慢循省誠知懼安排祗自憫食貧甘莽鹵被褐謝爛編遠物
裁青翳時珍饌白鷗長捐楚客珮未賜大夫環異政徒云仰
高蹤不可攀空勞慰鷦領妍唱劇妖嫺

和李相國

許用晦

巨寶珍吳果馴雛重越禽摘來魚浦上攜在兔園陰霜合凝
丹頰風披斂素襟刀分瓊液散籠蔽雪華深虎帳齋中設龍
樓浴下吟含消兼受彩應貴冢卿心

送林靈士自閩中道越由雲抵兩川

書劍少青眼烟波初白頭鄉關背剡嶺客路轉蘋洲慶因道

雞固乘時思易酬鏡中非訪戴劍外欲依劉高枕海天曠落
帆江雨秋鼉聲應遠鼓蜃氣學危樓智士役千慮達人經百
憂唯聞陶靖節多在醉鄉遊

歲暮自黃江至新興往復中題峽山寺

密樹分蒼壁長溪抱碧岑海風聞鶴遠潭白見魚深松蓋環
青韻榕根架綠陰洞丁多斲石蠻女半淘金南洲鷺春至西
樓送月沉江流不過嶺何處寄歸心

贈蕭鍊師

曾試昭陽曲瑤齋帝自臨紅珠絡繹帽翠鈿束纒襟雙闌朝
塵起千門宿路陰出宮幽國步回駕軫皇心桂殿春空晚椒
房夜自深急宣求故劍冥契得遺簪暗記神仙傳潛封女史
箴壺中知日永掌上異年侵莫比班家扇寧同卓氏琴雲壺

辭鳳輦羽波別鷺衾網斷魚遊藻籠開鶴戲林浴烟浮碧漢
嵩月上丹吟露草爭三秀風篁共八音吹笙足鶴舞敲磬引
龍吟旌節纖腰舉霞杯皓腕斟還磨照寶鏡猶掃碎寒金東
海人情變南山聖壽沉朱顏常似渥綠髮已如尋養氣齊生
死留形盡古今更求應不見鷄犬日駸駸

晨自行徑至龍興寺崇隱上人院

佛寺通南徑僧堂倚北坡藤陰迷晚竹苔滑仰晴莎病憶春
前別關宜雨後過石橫聞水遠林缺見山多欲結三天社初
降十地魔素龍來有窟靈鶴去無窠客路隨萍梗鄉園失薜
蘿禪心如可學不藉曾陽戈

維舟秦淮過温州李給事宅

給事為郎日青溪醉隱街水池通極浦雪迢遶高巖珠玉砂

同棄松筠草共茂帝圖憂一失臣節耻三緘代有王陵戇時
無靳向讒定應操直筆寧為發空函霧黑連雲棧風狂截海
帆石梯迎雨潤沙井帶潮鹹蠟屐青筇杖藍舉白扇衫應勞
北歸夢山路正嶮峻

春日奉獻聖壽無疆詩十首

揚景山

鴛鴦彤庭際軒車綺陌前九城多好樂萬井半祥烟人醉逢
堯酒鶯歌答舜絃花明御溝水香煖禁城天錫宴文逾盛徵
歡物更妍無窮艷陽月長奉太平年

日上蒼龍闕香含紫禁林晴光五雲疊春色九天深賞叶元
和德文垂雅頌音景雲隨御輦顯氣在宸襟永保無疆壽長
懷不戰心聖朝多慶賜璫樹粉墻陰

玉漏飄青瑣金鋪麗紫宸雲山九門曙天地一家春瑞靄之

呈賞暄風本配仁岩廊開鳳翼水殿厭鼉身文雅逢明代歡
娛及賤臣年：未央闕恩共物華新

垂拱乾坤正歡心品類同紫烟含北極玄澤付東風珠綴留
晴景金莖直曉空發生資盛德交泰讓全功間氣登三事祥
光啓四聰遐荒似川水天外亦朝宗

文物京華盛謳歌國步康瑤池供壽酒銀漢洒宸章靈羽含
雙闕雷霆肅萬方代推仙祚遠春共聖恩長鳳宸臨花暖龍
爐傍日香遙知千萬歲天意奉君王

物象朝高殿簪裾溢上京春當九衢好天向萬方明樂報簫
韶發杯看沆瀣生芙蓉丹闕暖楊柳玉樓晴閭闔開中禁衣
裳儼大清南山同聖壽長對鳳凰城

雲陞臨黃道天門在碧虛大明含睿藻元氣抱宸居文偃征

苗後詩傳宴錫初年華富仙苑時哲滿公車化入網緼大恩
垂渙汗餘悠然萬方靜風俗揖華胥

代是文明晝春當燕喜時爐烟添柳重宮漏出花遲漢典方
寬律周官正采詩碧霄傳鳳吹紅旭在龍旂造化膺神器陽
和沃聖慈無因隨百獸率舞在丹墀

化洽生成遂功宣動植知瑞凝三秀草春入萬年枝鳳掖嘉
言進駕行喜氣隨仗臨丹地近衣對碧山垂渥澤方柔遠聰
明本聽卑願同東觀士長對漢威儀

睿德符玄化芳情翊太和日輪皇鑑近天仗聖朝多曙色含
金榜晴光轉玉珂中官宣廣樂元老進賡歌蓮葉看龜上桐
花識鳳過小臣空擊壤滄海是恩波

郊居秋日酬奚贊府見寄

繁菊照深居芳香春不如聞尋周處士知伴庾尚書日晚汀
洲曠天晴草木踈閑言揮塵柄清步掩蝸廬野老能親牧高
人念遠漁幽叢臨古岸輕葉度寒渠暮色無狂蝶秋華有嫩
踈若為酬郢曲從此愧璠璣

上巳應制

萬乘親齋祭千官喜豫遊奉迎後上苑校禊向中流草樹迎
容衛山河對冕旒畫旗搖浦溆春服滿汀洲仙籟龍媒下神
皋鳳蹕留後今億萬載天寶紀春秋

上劉侍中

命代生申甫承家翊禹湯廟謨膺閭氣師律動清商鍾鼎勳
庸大山河誠誓長英資凌虎視飛步壓龍驤道叶陶鈞力
恩回日月光一言弘社稷九命備珪璋政洽軍逾肅仁敷物

已康朱門重榮戟丹詔半縑緗位終興龍野師臨涿鹿鄉射
鷗天更碧吹角塞仍黃深入平夷落橫行開漢疆功垂貞石
遠名映色絲香度磧瞻魏武臨池識鳳凰舞腰凝綺謝歌響
拂雕梁杯淨傳鸚鵡裘鮮照鸛鷀吟詩白羽扇校獵綠沉槍
風景佳人地烟波壯士場幙中邀謝監麾下得周郎珠影含
空徹瓊枝映座芳王渾知武子陳寔獎元方富貴春無限權
娛興未央管絃隨玉帳尊俎奉金章俗理寧因勸邊城詎暇
防軍容雄朔漠公望冠崑廊分野憐孤島京城溢萬箱曙華
分榻石秋色入漁陽城遠迷玄兔川明辨白狼忠賢多感激
今古共蒼茫堤擁紅蕖艷橋分翠柳行輕車紛白至亭館鬱
相當環簾回煩暑層軒引早涼聽琴思適靜說劍覺神揚佳
景臨臺上清輝鄭驛傍鼓鍾喧北里珪玉映東床敢徇由之

瑟甘循賜也墻官微恩假節戰勝望升堂欲奮三年翼頻回
一夕腸消憂期酒聖乘興任詩狂海內分桃李天涯剪稻梁
升沉門下客誰道在蒼蒼

遊栖霞寺同沈拾遺宿康上人房 權載之

偶來入境外心賞幸隨君古殿烟霞夕深山蘭桂薰嵩花點
寒溜石磴掃春雲清梵諸天近誼塵下界分名僧康寶月上
客沈休文共宿東林下清猿徹曙聞

晚秋集賢院即事東徐薛二侍郎 常袞

穆之上清居沉之中秘書金鋪深內殿石甃淨寒渠花榭臺
相倚宮烟閣半虛縹囊披錦綉翠軸卷璠瑤墨潤冰文璽香
消蠹字魚翻黃桐葉老吐白桂花初舊德雙遊處聯芳十載
餘北朝祭度薛西漢盛嚴徐侍講親華衣微吟出綺疏綴簾

金翡翠賜硯玉蟾蜍序秩東南遠離憂歲月除承明期重入
江海意何如

題甘露寺

盧肇

北固岩端寺佳名自上台地從京口斷山到海門來曙色烟
中滅潮聲日下迴一隅通雉堞千仞聳樓臺林梢疑蔽雨江
空想渡杯福庭增氣象仙磬落昭回覺路花飛染流年景謾
催隋宮凋綠草晉室散黃埃西蜀波濤盡東溟日月開如登
寂高處應得見蓬萊

上巳應制

陳希烈

上巳遷龍駕中流泛羽觴酒因朝太子詩為樂賢王錦纜方
舟渡瓊筵大樂張風搖垂柳色花發異林香野老歌無事朝
臣飲歲芳皇情被萬物中外洽恩光

公子

韓琮

紫袖長衫色銀蟾半臂花帶裝盤水玉鞍繡坐雲霞別殿承
恩澤飛龍賜渥注控羅青鳥纏鏤象碧重龍意氣催歌舞闌
珊走鈿車袖彰雲縹緲釵轉鳳歌斜珠卷迎歸箔紅籠晃醉
紗唯無難夜日不得似仙家

春雪間早梅

韓退之

梅將雪共春彩豔不相因逐以能爭密排枝巧妬新誰令香
滿座獨使淨無塵芳意鏡呈而寒光助照八玲瓏開已徧點
綴坐來頻那是俱疑似須知兩逼真熒煌初亂眼浩蕩忽迷
神未許瓊花比後將玉樹親元期迎獻歲更伴占茲辰願得
長輝映輕微敢自珍

送鄭尚書赴南海

番禹軍府威欲說暫停盃蓋海旂幢出連天觀閣開衙時龍
戶集上日馬八來風靜鷓鴣去官廉蚌蛤迴貨通師子國樂
奏武王臺事皆殊異無嫌屈大才

早春雪中聞鶯

朝鶯雪裏新雪樹眼前春帶澁先迎氣侵寒已報人共許初
聽早誰貴後聞頻暫轉那成曲孤鳴豈及辰風霜徒自保挑
李詎相親寄謝幽棲友辛勤不為身

春雪

看雪乘清且無人坐獨謠拂花輕尚起落地暖初銷已訝凌
歌扇還來伴舞腰灑管留空節着柳送長條入鏡鸞窺沼行
天馬度橋徧階憐可掬滿樹成搖江浪迎濤日風毛縱獵
朝弄閑時細轉爭急忽驚飄城險疑懸布砧寒未擣綃莫愁

陰景從夜色自相饒

喜雪獻裴尚書

宿雲寒不卷春雪墜如筴騁巧先投隙潛光半入池喜深將
策試驚密仰簷窺自下何曾污增高未覺危比心明可燭拂
面受還吹如舞時飄袖欺梅併壓枝地空迷界限砌滿接高
卑浩蕩乾坤合霏微物象移為祥矜大熟布澤荷平施已分
年華晚猶憐曙色隨氣嚴當酒換灑急聽惚知照耀臨初日
玲瓏滴晚澌聚庭看嶽聳掃路見雲披陣勢雲麗遠書文鳥
篆竒縱歡羅豔點列賀擁態螭履弊行偏冷門高卧更羸悲
嘶聞病馬浪走信嬌兒竈靜愁烟絕絲繁念髮衰擬盃吟舊
句授簡慕前規捧贈同燕石多慚失所宜

和席八十二韻

絳闕銀河曙東風右掖春官隨名共羨花與恩俱新綺陌朝
遊間綾衾夜直頻橫門開日月高閣切星辰庭變寒前草天
銷霽後塵溝聲通苑急柳色壓城勻綸綍謀猷盛丹青步武
親芳菲含斧藻光景暢形神傍砌看紅藥巡池詠白蘋多情
懷酒伴餘事作詩人倚玉難藏拙吹竿久混真坐慙空自老
江海未還身

詠雪贈張籍

只見縱橫落寧知遠近來飄飄還自弄歷亂竟誰催座暖銷
那恠池清失可猜坳中初蓋底坵處遂成堆慢有先居後輕
多去却迴度前鋪瓦隴發本積墻隈穿細時雙透乘危忽半
摧舞深逢坎井集早墮層臺砧練終宜擣階紈未暇裁城寒
裝睥睨樹凍裹莓苔片之勾如剪紛之碎若按定非燭鷓鷯

真是瓊瑰緯繡觀朝華莫茫曠晚埃當牕恒凜之出戶即
皚之壓野榮芝茵傾都委貨財娥嬉華蕩潑胥怒浪崔嵬積
迥疑浮地雲平想輟雷隨車翻縞帶逐馬散銀盃萬屋漫汗
合千枝照曜開松篁遭挫抑糞壤獲饒培隔絕門庭遽擠排
陞級纔豈堪裨嶽鎮強欲效鹽梅隱匿瑕疵盡包羅委瑣該
誤鷄宵呢咽驚雀暗徘徊浩之過三暮悠之市九坡鯨鯢陸
死骨玉石火炎灰厚慮填溟壑高愁擻斗魁日輪埋欲側坤
軸壓將頽岸類長蛇攬陵猶巨象颶水官夸傑黠木氣怯胚
胎著地無由卷連天不易推龍魚吟螫苦虎豹餓號哀巧借
奢華便專繩困約災威貪陵布被光肯離金壘賞翫捐他事
歌謠放我才狂教詩碑砑興與酒陪鯁惟子能諳耳諸人得
語哉助留風作黨勸坐火為媒雕刻文刀利搜求智網恢莫

煩相屬和傳示及提孩

又魚招張功曹

又魚春岸闊此興在中宵大炬然如晝長舡縵似橋深窺沙
可數靜榜水無搖刃下那能脫波間或自跳中鱗憐錦碎當
目訝珠銷迷火逃翻近驚人去暫遙競多心轉細得雋語時
聳潭聲知存寡舫平覺獲饒交頭疑湊餌駢首類同條濡沫
情雖密登門事已遼盈車欺故事飼犬駿今朝血浪疑猶沸
腥風遠更飄蓋江烟暮拂掉影寥寥懶去愁無食龍移懼
見燒如棠名既誤釣渭日徒消文空篤先賦篙工喜盡謠膾
成思我友觀樂憶吾僚自可捐憂會奈河須強問鴉

李尚書赴襄陽八韻

轉肅千里地還方控帶荆門遠飄浮漢水長賜書寬屬郡戰
馬隔隣疆縱縱獵雷霆迅觀碁玉石忙風流峴首客花豔大堤
倡富貴由身致誰教不自強

和崔舍人詠月

三秋端正月今夜出東溟對日猶分勢騰天漸吐靈未高蒸
遠氣半上霽孤形赫奕當躔次虛徐度杳冥長河晴散霧
列宿曙分螢浩蕩英華溢瀟疎物象冷池邊臨到照簷際送
橫經花樹參差見皋禽斷續聆牖光窺寂寞砧影伴娉婷幽
坐看侵戶閑吟愛滿庭輝斜通壁練彩碎射沙星清潔雲間
路空涼水上亭淨堪分顧免細得數飄萍山翠相疑綠林烟
共幕青過隅驚挂側當午覺輪停屬思擣霞錦追懽罄縹緲
郡樓何處望隴笛此時聽右掖連台座重門限禁扃風臺觀

澆瀆冰砌步青瑩獨有虞庠客無由拾落奠

別徐明府

賈浪仙

抱琴非樂意生事偶相縈口尚衰安節身無子賤名地寒春
雪盛山淺夕風輕百戰餘荒野千夫漸偶耕一杯宜獨夜孤
客戀交情明日疲驂去蕭條過古城

寄武功縣姚主簿

居枕江沱北情懸渭曲西數宵曾夢見幾處得書批驛路穿
荒坂公田帶淤泥靜棋功奧妙閑作韻清淒鋤草留叢藥尋
山上石梯客迴河水漲風起夕陽低空地臺連井孤村火隔
溪卷簾黃葉落鎖印子規啼隴色澄秋月邊聲入戰鼓會須
過縣去况是屢招携

立秋日

司空文明

谷府離堂玳瑁筵泰山呈臘雪隋柳布新年曾忝揚州薦因
君達短牋

經伏波神祠

蒙、篁竹下有路上壺頭漢壘麈鬚闌蠻溪霧雨愁懷人敬
遺像閱世指東流自負霸王略安知思澤侯鄉關辭石柱筋
力盡炎州一以功名累翻思馬少游

賦得春雪映早梅

元微之

飛舞先春雪因依上番梅一枝方漸秀六出已同開積素光
逾密真花節暗催搏風飄不散見曉忽偏摧郢曲琴空奏羌
音笛自哀今朝兩成詠翻挾昔人才

題洛中第宅

白樂天

水竹誰家宅門高占地寬懸魚掛青甃行馬護朱闌春樹籠

烟暖秋庭鎖月寒
松膠黏琥珀筠粉撲琅玕
試問池臺主當
為將相官終身不
曾到唯展宅圖看

阿雀兒詩

謝病卧東都羸然一老夫
孤單同伯道遲見過商瞿
豈料髮成雪方看掌上珠
已衰寧望有雖晚亦勝無
蘭入前春夢柔傳昨日弧
里閭多慶賀親戚共歡娛
臙刺新胎髮香縹小繡
襦玉牙開手爪酥顆點肌
膚乳氣初離殼啼聲漸變
雛何時能反哺供養白頭
烏

奉酬侍中夏中雨遊城南莊見示八韻

島樹林間鬱雲收雨氣殘
四山嵐色重五月水聲寒
老鶴兩三隻新篁千萬竿
化成天竺寺移得子陵灘
心覺閑彌貴身綵健更懽
帝將風后待人作謝公看
角里年雖老高陽興未

蘭佳辰不見召爭免赴盃盤

仲夏齋居偶題八詠寄微之及崔湖州

腥血與葷蔬停來一月餘
肌膚雖瘦損方寸任清虛
體適通宵坐頭慵隔日梳
眼前無俗物身外即僧居
水樹風來遠松廊雨過初
寒簾放巢燕投食施池魚
久別閑遊伴頻勞問疾書
不知胡與越吏隱興何如

東南行一百韻寄通州元九侍御澧州李十一舍人

果州崔二十二使君開州庾大負外庾三十二補闕

杜十四拾遺李二十助教賈七校書

南去經三楚東來過五湖
山頭看候館水面問征途
地遠窮江界天低極海隅
飄零同落葉浩蕩似乘桴
漸覺鄉原異深知土產殊
夷音語嘲晰蠻態咲睚眦
水市通蘭烟村混舫

艫吏征漁戶稅人納火田租亥日饒蝦蟹寅年足虎驅成人
男作非事鬼女為巫樓暗擯倡婦堤喧簇販夫夜舡論鋪賃
春酒斷瓶沽見果多盧橘聞禽悉鷓鴣山歌猿獨叫野哭鳥
相呼嶺徼雲成棧江郊水當郭月歌翹柱鶴風泛颯墻烏鰲
礙潮無信蛟驚浪有滂雷鳴泉屈空蝦結氣浮屠樹裂山魃
穴沙含水弩樞喘牛犂紫羊馬放青菰繡面誰家婦鴉頭
幾歲如泥中採菱茨燒後拾煇蘇鼎臙愁烹鱉盤腥厭膾鱸
鍾儀徒戀楚張翰浪思吳氣序涼還熱光陰旦復晡身方逐
萍梗年欲近桑榆渭北田園廢江西歲月徂憶歸恒慘澹懷
舊忽躊躇自念咸秦客嘗為鄒魯儒蘊藏經國術輕棄度關
緇賦力凌鸚鵡詞鋒敵轆轤戰文重掉鞅射策一弯弧崔杜
鞭齊下元芾轡並驅聲名逼揚馬交分適蕭朱世務經摩端
周行竊覬覦風雲皆會合雨露各沾濡共偶昇平代偏慙固
陋軀承明聯夜直建禮拂晨趨羨服頌王府珥羞降御厨議
高通白虎諫切伏青蒲柏殿行陪宴花樓走看酺神旗張烏
獸天籟動笙竽凡劍星芒耀魚龍電策敷定場排漢旅促座
佳吳歛縹緲疑仙樂嬋娟勝畫圖歌音低翠羽舞汗墮紅珠
別選閑遊伴潛招劇飲徒一盃愁即破百罰氣弥麓軟羨仇
家酒幽閑葛氏姝十千方得斗二八正當壚論笑杓胡碑談
隣鞏聶需李酣猶短實庾醉更焉迂鞍馬呼教住殷盤唱遣
輸長驅波卷白連擲采成虜籌併頻逃席觥嚴別置五滿后
那可漼頰玉不須扶入視中樞草歸乘內廐駒醉曾衝宰相
驕不揖金吾日近恩雖重雲高勢却孤隕身下霄漢大足陷
泥塗博望移門籍潯陽佐郡符時情變寒暑世利較錙銖即

日辭雙闕明朝別九衢播遷分郡國次第出京都秦嶺馳三
驛商山上二邗峴陽亭寂寞夏口路崎嶇大道全生棘中丁
盡執爨江關未撤警淮寇尚稽誅林對東西寺山分八小姑
廬峯連刻峭溢浦帶縈紆九派吞青草孤城覆綠蕪更昏鐘
寂々清曉角鳴々春色辭門柳秋聲到井梧殘芳悲咽鴉佳
節感茱萸折金英菊花飄雪點蘆波紅日斜沒沙上月平
鋪幾見林抽筍頻看燕引雛歲華何倏忽年少不須由史眇默
思千古蒼茫想八區孔窮緣底事顏夭有何辜能智几經醢
龜靈未免剗窮通應已定聖哲豈能踰况我謀身拙多時厄
運拘漂流隨大海鉅鍛任洪爐險阻嘗之矣栖遲命已七八沉冥
銷意氣飢餓損肌膚防瘡和殘藥迎寒補舊繻書窓鳴々蟋蟀琴
匣網蜘蛛貧室如懸磬端憂劇守株時遭人指點數々似鬼椰

偷兀兀都疑夢昏々半似愚女驚朝不起妻恠夜長一可萬里
拋朋侶三年隔友于自然悲聚散不是恨榮枯去夏心似之瘡
今年席八徂天涯書達否泉下哭知無謾寫詩盈卷亦盛酒
蒲盞只添新悵望豈復舊歡娛壯志因愁減衰容與之俱相
逢應不識白盡舊眉鬚

晚歲

壯歲忽已去浮雲何足論身為百口長官是一州尊一不覺白
雙鬢徒言朱兩轡病難施郡政老未答君恩歲暮別一不覺白
衰無子孫惹愁語世網因苦賴空門攬帶知腰瘦看一不覺白
昏不緣衣食繫尋合返立園

六十拜河南尹

六十河南尹前途足可知老應無處避病不與人期去下遇芳

菲日猶當強健時萬金何假借一盞莫推辭流水光陰急浮雲富貴遲人間若無酒盡合髮成絲

罷府歸舊居

陋巷乘籃入朱門掛印回腰間拋組綬纓上拂塵埃出曲閑池沼無非手自開青蒼好竹樹亦是眼着栽石片擡琴匣松枝閣酒盃此生終老處昨日始歸來

齊雲樓晚望偶題十韻兼呈馮侍御田殷二勳律

潦到宦情盡蕭條芳歲闌欲辭南國去重上北城看山壯平鋪井邑寬人稠過揚府坊開半長安插霧峯頭沒穿霞日脚殘水光紅漾樹色綠漫約畧留遺愛殷勳念舊歡病拋官職易老別友朋難九月全無熱西風亦未異齊雲樓北面半日凭欄干

洛陽送牛相公出鎮淮南

北闕至東京風光十六程坐移丞相閣春入廣陵城紅旆擁雙節白鬚無一莖苗田人開路看百吏立班迎闔外君彌重樽前我亦榮何須身白得將相是門生

卜歲日喜孫氏外孫女孩滿月

今日夫妻喜他人豈得知自嗟生女晚敢訝見孫遲物以稀為貴情因老更慈新年逢吉日滿月乞名時桂燎熏花果蘭湯洗玉肌懷中有可抱何用是男兒

微之見寄韻寶七酬唱之什本韻外加兩韻

旌鉞從纛韃賓僚禮全夔龍來要地鴛鴦下寥天赭汗騎驕馬青娥舞醉仙合成江上作散作洛中傳窮巷能無酒貧池却有紅春裝秋未寄漫道足閑錢

送客南遷

我說南中事君應不願聽曾經身困苦不覺語丁寧燒處愁
雲夢波時憶洞庭春 奮烟勃々秋瘴霧冥々蚊蚋經冬活魚
龍欲雨腥水蟲能射影山鬼解藏形穴掉巴蛇尾林飄鴉鳥
翎颯風千里黑蕪草 凶時青客似驚弦鴈舟如委浪萍誰人
勸言語何計慰漂零 慎勿琴離膝長須酒滿瓶大都從此去
宜醉不宜醒

行路難

薛大拙

何處力堪殫人心險 禹端藏山難測度暗水自波瀾對面如
千里迴腸似七盤已 經吳坂困欲向隰門難南北誠須泣高
深不可干無因善行 止車轍得平

西溪

李義山

悵望西溪水潺湲奈爾何不驚春物少 只覺夕陽多色染
燒柳光含窈窕蘿人間從到海天上莫 為河鳳女彈瑤瑟龍
孫撼玉珂京華他夜夢好々寄雲波

戲贈張書記

別館君孤枕空庭我閉關池光不受月 野氣欲沉山星漢秋
方會關門夢未闌危絃傷遠道明鏡惜 紅顏古木含風久平
蕪盡日開心知兩愁絕不斷若連環

武侯廟古柏

蜀相階前柏龍蛇捧闕宮陰成外江畔 右向惠陵東大樹思
馮異甘棠憶召公葉凋湘燕雨枝折海 鷄風玉壘經綸遠金
刀曆數終誰將出師表 為問昭融

少年樂

張承吉

二十便封侯名居第一流綠髮深小院
清管下高樓醉把金船擲開敲玉鐙
遊帶盤紅鞵鼠袍研紫鞋起撥越眼前
長貴盛那信世間愁

華清宮

温飛卿

憶昔開元日承平事勝遊貴妃專寵幸
天子富春秋月白霓裳殿風乾竭鼓樓
闔鷄花蔽膝騎馬玉鞍萬戶侯薄雲欺
雀扇輕雪犯貂裘過旒氣和春不覺烟煖
霽雞收澁浪和瓊輕鬢懶窺鏡淡蛾羞屏
掩芙蓉帳簾垂纖手指神州御夢迷荒草
天袍妬石榴瘖虬不料邯鄲蠶俄成即墨
牛効鋒輝行在孤臣頂遺翡翠雨夜駐華
閣艷笑雙飛

斷香魂一哭休早梅悲蜀道高樹隔昭
立朱閣重霄近蒼生萬古愁至今湯殿水
鳴咽縣前流

郢城懷古

李重茂

客心悲暮序登塘瞰平陸林澤宵羊繇
山川鬱重複王公資設險名都拒江隩
方城疑北門溟海窮南服長策挫吳豕
雄圖競周鹿大蒐雲夢掩壯觀章華築
人世更不競西師日侵蹙運圯屬駈馳
時屯恣敲朴莫救夷陵火無復秦庭哭
鄢郢遂丘墟風塵俄慘黷狐兔時遊踐
霜露日霑沐釣渚故池平神臺層宇覆
陣雲埋夏首窮陰慘荒谷悵矣洲壑迂
悲哉年祀倏雖異三春望終傷千里目

此亦不體排律

夜遊

蘇味道

今夕重門啓遊春得夜芳月華連晝色
燈影雜星光南陌青

絲騎東鄰紅粉粧管絃遙辨曲羅綺暗聞香人擁行歌路車
攢闔舞場經過猶未已鍾鼓出長揚

在廣州聞崔馬二御史並拜臺郎

振鷺齊飛日遷鶯遠客聞明光共待漏清覽各披雲喜得廊
廟舉嗟為臺閣分故林懷栢悅新渥阻蘭薰冠去神羊影車
迎瑞雉群遠從南斗外遙仰列星文

和常交晚秋集賢院即事

盧允言

綸閣九華前森沉綵仗連洞門開旭日清禁肅秋天霜滿朝容
備鍾餘曉唱傳搖瑞陪羽扇端弁入爐烟麟筆剛金篆龍銷薦
玉編及書荀旭定漢史蔡邕專御竹潛通筭宮池暗瀉泉亂叢
綦弱蕙遂葉洒衽蓮列署齊遊日重江並謫年登封思議草侍
講憶同遷滄海風濤聞青山瘴雨偏唯應絨上翰遠贈一呈妍

栖霞寺東峰

劉文房

山人今不見山鳥自
石逕澗戶掩塵容士
壑徧疎鐘周帳長也

因此峯泉源通
松片雲生半壁萬

宿畢侍御宅

劉文房

交情貧更好子有古人風晤對清霜裏平生苦節同心惟二
仲合室乃一瓢空落葉寄秋菊愁雲低夜鴻薄寒燈影外殘
漏雨聲中明發南昌去回看御史駢

和袁郎中破賊後軍行過劉中山水謹上大尉李光弼

剡路除荆棘王師罷鼓鼙農歸滄海畔圍解赤城西赦罪陽
春發收兵太白低遠峯來馬首橫笛入猿啼蘭渚催新幄桃
源識故蹊已聞開閣待誰許卧東溪

送劉相公催轉運

國用資戎事臣勞為主憂將徵任土貢更發濟川舟擁傳星
還去回遲鷹不留唯高飲水節稍淺別家愁落葉淮邊雨孤
村海上洲遙知謝公興微月在高樓

酬包諫議見寄之什

佐郡媿頑踈殊方親里閭家貧寒未度身老歲將除過雪山
僧至依陽野客舒藥陳隨遠宦梅發對幽居落日棲鴉鳥行
人遺鯉魚高文不可和空媿學相如

送徐大夫赴廣州

上將登壇拜南荒羽檄招遠人來百粵元老事三朝霧繞龍
川暗山連象郡遙路分江渺之軍發馬蕭蕭寒角知秋氣樓
知逐暮潮當今輸貢賦不使外夷驕

題裴式微東齋亭

世爭終成夢生涯半欲過白雪心已矣滄海意如何藜杖玉
吾道榴花養太和春風騎馬醉江月釣魚歌散帙看蛭蠹開
關見雀羅遠山終日在芳草倏又多吏體莊生傲方言楚俗
訛屈平君莫弔腸斷洞庭波

題崔公亭竹

不學媚清瀾能依上將壇膠臄低冕過青翠捲簾看得地移
根遠經霜抱節難小花成思實嫩筍長漁竿藹之軍容靜蕭
蕭郡宇寬細音和角響踈影上門寒阮巷何人在梁園幾處
殘空餘軒屏側歲晚對任安

送鄭十三歸廬山

海陽數畝宅歸卧掩柴關谷口何人在門前秋草閑忘機賈

藥艸不語杖藜還舊筭成新竹空齋向暮山水流過舍下雲
去到人間桂樹花應發因行寄一攀

行營酬呂侍御時尚書問罪襄陽軍次漢東境上侍
御以舟隣寇復有水火迫於征稅詩以見喻

不敢淮西卧來趨漢將營受辭瞻左鉞扶疾拜前旌并稅鵝
衣樂壺漿鶴髮迎水歸餘斷岸烽王掩孤城晚日當千騎秋
風合五兵孔璋寸素健早晚檄書成

自道林寺西入石路至麓山寺過法崇禪師故居

山僧候谷口石路拂莓苔深入泉源去遙後樹杪回香隨青
靄散鐘過白雲來野雪空齊掩山扉古殿開桂寒知自發松
老問誰裁惆悵湘江水何人更渡杯

陪鄭中丞園林宴

心遠親魚鳥功成獻鼓鼙林中阮家醉池上謝公題門逕蒼
苔合窓陰綠篠低夕陽山向背秋草水東西舊架懸藤老踈
籬挿槿齊風烟不可到誰羨武陵溪

負譴後登干越亭作

天南愁望絕亭上柳條新落日獨歸鳥孤舟何處人生涯投
嶺微世業陷胡塵江入千峯暮花連百越春秦臺憐白首楚
澤怨青蘋草色迷征路鶯聲傍逐臣獨醒翻引笑直道不容
身得罪風霜苦全生天地仁青山數行淚滄海一窮鱗牢落
機心盡空憐鷗鳥親

故人寄茶

曹鄴之

劍外九華英緘題下玉京開時微月上碾麝亂泉聲半夜招
僧至孤吟對月烹碧沉霞脚碎香泛乳花輕六府睡神去數

朝詩思清月餘不敢費留伴肘書行

春日題山家

李楚望

偶與樵人熟春殘日來依岡尋紫葢挽樹得青梅燕靜街
泥起蜂喧抱藥回嫩茶重攪綠新酒略炊醅漠漠蠶生紙
消水弄苔丁香正堪結留步小庭隈

送僧歸新羅

姚鵠

森々萬餘里扁舟發落暉滄溟何處別白首此時歸寒暑途
中變人煙嶺外稀驚天巨鼇闢蔽日大鵬飛雪入行沙覆雲
生坐石衣漢風深得習休恨本心違

隴頭水

楊師道

隴頭秋月明隴水帶關城笳添離別曲風送斷腸聲映雪峰
猶暗乘冰馬屢驚霧中寒鴈至沙上轉蓬輕天山傳羽檄漢

地急徵兵陣開都護道劔聚伏波盜長於茲覺無度方共濯胡
纓


麟德殿宴百官

鮑文姬

睿澤光寰海功成展武韶戈鋌清外域文物盛中朝聖祚山
河固宸章日月昭玉筵鶴鷺集仙管鳳凰調御柳新低綠宮
鶯乍轉嬌願將億兆慶千祀奉神堯

文翰類選大成卷四十七

命即對大文卷四十一
...



...

...

...

問所

